



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000 CENTRALA/FAX: +38735369920  
n-dijete@bih.net.ba www.nasedijete.ba

## Prvi radni dan u vrtićima Ustanove

S prvim danom septembra mjeseca počela je nova pedagoška godina i dječji vrtići JU Naše dijete otvorili su svoja vrata. Početak nove pedagoške 2020/2021.godine, koja je za sve zaposlenike Ustanove najizazovnija do sada, se odvija po epidemiološkim mjerama kako bi djeca bila zaštićena od zaraze koronavirusom kao i važećim Pedagoškim standardima.

Kako vrtići provode epidemiološke mjere tako se i od roditelja traži da to učine po dolasku u vrtić u skladu sa važećim dosadašnjim procedurama. U vrtiću provodimo redovne dnevne aktivnosti i pazimo da li dijete ima simptome na koje moramo žurno reagovati i izolirati dijete do dolaska roditelja. Očekujemo i od roditelja da nas upoznaju ukoliko u porodici imaju sumnju ili potvrdu na postojanje simptoma koronavirusa.

Kada je u pitanju formiranje odgojnih grupa i brojnost djece u istim ustanova se pridržavala važećih Pedagoških standarda u cijelosti, a što je u skladu sa važećim preporukama nadležnih institucija (Zavod za javno zdravstvo TK, Akt broj: 01-374-77/20 od 1.6.2020.godine) u kojima stoji da se odgojne grupe mogu formirati u skladu sa pedagoškim standardima uz obavezno poštivanje higijensko-epidemioloških mjera.

Podjećamo da je ovo jednoobrazan stav i način realizacije rada u svim predškolskim ustanovama na području našeg kantona.



Kada je u pitanju organizacija rada sa djecom u Programu produženog boravka koji podrazumijeva boravak djece školskog uzrasta dijelom u osnovnoj školi i u vrtiću preduzeli smo i provodit ćemo dodatne mjere higijenskog nadzora uz primjenu dezinficijenasa za prostor dnevnog boravka djece, pranje ruku uz obaveznu primjenu dezo barijere, mjerjenje tjelesne temperature po povratku iz škole, a sve u skladu sa donesenim Procedurama o organizaciji rada, održavanju higijene i prijema djece u Javnu ustanovu za predškolski odgoj i obrazovanje „Naše dijete“ Tuzla za vrijeme pandemije COVID 19.



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000 CENTRALA/FAX: +38735369920  
n-dijete@bih.net.ba www.nasedijete.ba

U vrtićima koji podržavaju rad sa djecom školskog uzrasta u Programu produženog boravka smo formirali odgojene grupe samo školske djece gdje je to bilo moguće. Sa početkom redovne nastave u školama, a u skladu sa rasporedom nastave, jedan dio djece će boraviti u vrtiću dok je drugi u školi.

Poštovani roditelji, želimo Vam se zahvaliti za ukazano povjerenje jer ste JU Naše dijete prepoznali kao ustanovu kao sigurno mjesto za boravak Vaše djece. Od Vas očekujemo razumijevanje i toleranciju obzirom na navedene mjere koje će ponekad usporiti uobičajen način predaje i preuzimanja djece iz vrtića, a u vrijeme kada je koronavirus prozrokovao novi način rada i života za sve nas.

Za sve dodatne informacije vam se stavljam na raspolaganje.

S poštovanjem,

**DOSTAVLJENO:**

1x1 Naslovu  
1x1 a/a



**DIREKTOR:**

Karić Sanja, dipl.iur.

Broj: 01-34-2629/2020  
Tuzla, 2.9.2020. godine